

REPUBLICA Y'URWANDA



INTARA Y'IBURASIRAZUBA
AKARERE KA GATSIBO
P.O.Box 36 NYAGATARE
gatsibodistrict@gatsibo.gov.rw



Gatsibo kuwa 8/11/2017

Ref...../07.05.03/01/M
2017



Bwana Umuvunyi Mukuru-Kigali

Impamvu: Kubageza inyandiko mvuko y'Inama Ngishwanama yo kurwanya ruswa n'akarengane mu Karere ka Gatsibo.

Bwana,

Nshingiye ku Iteka rya Perezida N° 64/01 ryo ku wa 12/02/2014 rigena inshingano, imiterere n'imikorere by'Inama Ngishwanama yo kurwanya ruswa n'akarengane cyane cyane mu ngingo yaryo ya 18 aho ivuga ko **"Inama Ngishwanama ku rwego rw'Akarere iterana buri gihembwe n'igihe cyose bibaye ngombwa itumijwe n'Umuyobozi wayo cyangwa Umuyobozi wayo Wungirije"**.

Nshingiye kandi ko Inama Ngishwanama mu Karere ka gatsibo ikora ibikorwa byo kurwanya ruswa n'akarengane, Nejejwe no kubandikira iyi baruwa mbagezaho inyandiko mvugo y'Inama Ngishwa nama yo kurwanya ruswa n'akarengane mu Karere ka Gatsibo nkuko mubisanga ku mugereka wiya baruwa.

Mugire amahoro.


GASANA Richard
Umuyobozi w'Akarere ka Gatsibo.



BIMENYESHEJWE:

- Bwana Minisitiri w'Ubutegetsi bw'Igihugu-Kigali
- Bwana Umuyobozi wa Police -Kigali
- Bwana Guverineri w'Intara y'Iburasirazuba-Rwamagana
- Bwana Perezida w'Inama Njyanama y'Akarere ka Gatsibo
- Bwana/Madamu Umuyobozi w'Akarere wungirije (bose)



INYANDIKO MVUGO Y'INAMA NGISHWA NAMA YO KURWANYA RUSWA N'AKARENGANE

None kuwa 30/10/2017 saa 11:30pm mu cyumba cy'inama cy'Akarere ka Gatsibo habaye inama y'inama ngishwa nama yo kurwanya ruswa n'akarengane iyoborwa n'umuyobozi w'Akarere ka Gatsibo bwana GASANA Richard akaba n'Umuyobozi w'inama ngishwa nama kurwego rw'Akarere.

Umuyobozi w'Akarere yatangiye ashimira abitabiriye inama ndetse abibutsa ko kuba Akarere karabonye umwana mwiza mu mihigo y'umwaka ushize ari uruhare rwaburi wese witabiriye iyo nama.

Nyuma yaho habayeho kuganira ku iteka rya Perezida n° 64/01 ryo kuwa 12/02/2014 rigena inshingano, imiterere n'imikorere by'inama ngishwanama yo kurwanya ruswa n'akarengane aho Umuyobozi w'Akarere akaba n'Umuyobozi w'Inama ngishwa nama kurwego rw'Akarere yasabye buri wese w'itabiriye inama ko agomba kumenya ibikubiye muri rino teka rya Perezida cyane cyane ko nabo bari mur'iyonama ngishwa nama yo kurwanya ruswa n'akarengane. Yaboneyeho kubibutsa ko abagize inama ngishwanama yo kurwanya ruswa n'akarengane kurwego rw'Akagali ari :

- 1° Perezida w'Inama Njyanama y'Akagari, Umuyobozi wayo;
- 2° Uhagarariye Polisi y'u Rwanda mu Kagari, Umuyobozi Wungirije;
- 3° Umunyamabanga Nshingwabikorwa w'Akagari, Umwanditsi;
- 4° Perezida wa Komite y'Abunzi mu Kagari;
- 5° Abakuru b'Imidugudu igize Akagari;
- 6° Uhagarariye abikorera mu Kagari;
- 7° Uhagarariye imiryango itari iya Leta mu kagari”¹

Umuyobozi w'inama ngishwa nama yo kurwanya ruswa n'akarengane yasabye buri wese witabiriye inama ko agomba kwarwanya ruswa n'akarengane hakoreshejwe imbaraga zose. Yaboneyeho kubwira abitabiriye inama ko hariye gukorwa ubukangura mbaga (Campaign) yo kurwanya ruswa n'akarengane guhera kurwego rw'Akarere kugeza kurwego rw'Akagali ababa buri wese kubigiramo uruhare.

Kugirango iki gikorwa kizagende neza, Umuyobozi w'Inama akaba n'Umuyobozi w'Inama ngishwanama ku rwego rw'Akarere, yasabye ko hazakorwa icyapa (banderole) kuwa ku rwego rw'Akarere kugera ku kagali gishishikariza abaturage kurwanya ruswa n'akarengane hanyuma hagakorwa urugendo rwo kurwanya ruswa n'akarengane.

- Kurwego rw'Akarere urugendo ruzaba rurangajwe imbere n'Umuyobozi w'Inama Ngishwa kurwego rw'Akarere n'Umuyobozi wa Police mu kagali.
- Kurwego rw'Umurenge urugenda ruzaba rurangajwe imbere n'Umunyamabanga Nshingwabikorwa n'Umuyobozi wa Police aho bari naho aho batari bikazakorwa n'Umuyobozi wa DASSO muri uwo Murenge
- Kurwego rw'Akagali urugendo ruzaba rurangajwe imbere n'Umunyamabanga Nshingwa bikorwa na SEDO.

¹ Art 21 y'iteka rya Perezida n° 64/01 ryo kuwa 12/02/2014 rigena inshingano, imiterere n'imikorere by'inama ngishwanama yo kurwanya ruswa n'akarengane

INYANDIKO MVUGO Y'INAMA NGISHWA NAMA YO KURWANYA RUSWA N'AKARENGANE

Umuyobozi w'Inama Ngishwa nama kurwego rw'Akarere yibukije ko inama inama Ngishwa nama kunzeho zose ko iterana rimwe mugihembwe.²

Inama yashojwe hemejwe ko Inama Ngishwanama yo kurwanya ruswa n'akarengane kurwego rw'Akagali igomba kuba yatanze raporo y'ukwezi kwa cumi nakumwe (11) kunama Ngishwa nama yo kurwanya ruswa nakarengane kurwego rw'Umurenge bitarenze taliki ya 10/11/2017, Umurenge nawo ukayitanga ku Karere bitarenze taliki ya 15/11/2017.

Inama yasoje Saa Cyenda n'iminota ibiri (15h02).

Umwanditsi w'Inama.

KWIZERA Alex.




Umuyobozi w'inama akaba n'Umuyobozi w'Akarere ka Gatsibo.

GASANA Richard.



² Art 5 y'iteka rya Perezida n° 64/01 ryo kuwa 12/02/2014 rigena inshingano, imiterere n'imikorere by'inama ngishwanama yo kurwanya ruswa n'akarengane



Umuyobozi w'Inama Ngishwanama atangiza inama

Abitabiriye Inama Ngishwanama



